

沈受益

人身示天地亦有
南陽極論

薛鶴山

論痘毒出痘及解痘毒六則

沈悅庭

命門脈診辯
治肝補脾論

薛公望

傷寒表裏虛實寒熱辨二十三則

沈寶夫

四維相代陽氣乃竭解
膀胱藏津液出氣化解

膀胱上口論
五苓散解

沈思劬

辯素問濁氣歸心之記

周蘊石

祖氣論
連珠十首

吳醫彙講 卷四五

吳醫彙講卷四目錄

沈受益

人身一小天地亦有南北兩極論

命門脈診辯

沈悅庭

治肝補脾論

沈實夫

四維相代陽氣乃竭解

膀胱者州都之官津液藏焉氣化則能出矣解

方脈論
卷四
目録
膀胱上口論

五苓散解

沈思劬

辯素問濁氣歸心之訛

周蘊石

祖氣論

連珠

計十首

吳醫彙講卷四

長洲唐大烈立三氏纂輯

門人倪士俊南吉氏校訂

沈受益

諱謙號牧菴儒而以醫聞縉紳先生常詩文往來當道亦多契合然非治病不輕入

室生三子長笠觴業儒兼通醫學府庠歲貢生選卓雅集行世次悅庭考授吏目以醫問次澹所吳庠生地贈修職郎漂陽縣學教諭有友晉閣帖行世長孫旭峯芸齋並登科甲次箬租國學生好醫未嘗釋卷而不臨證次丹山實夫暨曾孫思勉維祚俱業醫先生年六十四歲歿於
雍正壬子子世居葑溪烏鵲橋東

人身一小天地亦有南北兩極論

按周天三百六十五度四分度之一其間日月星辰之周流循環而不息者有南北兩極以爲樞紐二極居其所而衆星共之星動而極不動動主於靜也靈樞五十營篇曰人經脈上下左右前後二十八脈以應二十八宿一呼氣行三寸一吸氣行三寸一萬三千五百息氣行五十營於身水下百刻日行二十八宿漏水皆盡脈終矣夫人之營衛運行無極以統之焉得常周不休心主與命門卽人身之南極北極也心者神之舍也神藏不露而無爲五藏六府之運行

莫不以心爲君主。故經言主明則下安。主不明則十
二官危。心之元神卽天之南極也。命門一點爲生氣
之原。藏於兩腎中間。以爲十二經脈之根本。必須鎖
鑰閉固。卽經所云陰平陽秘。精氣乃治。腎之元氣卽
天之北極也。天之南極入地三十六度。而位乎南下
爲陰。而南爲陽。居陰位之陽也。人之心君位乎腹之
上。腹爲陰。而上爲陽。亦居陰位之陽。天之北極出地
三十六度。而位乎北上爲陽。而北爲陰。居陽位之陰
心入之命門位乎背之下。背爲陽。而下爲陰。亦居陽

位之陰。天之二極對待以爲中樞。而後運行不息。人之心君與命門亦必神氣相合。而後營衛得以周流不息。顧靜者動之根也。心爲十二官之君主。而主乎靜定。命門爲十二經脈之根本。而主乎秘密。是卽兩極之居其所而不動也。

命門脈診辯

張景岳三焦胞絡命門辨云。命門爲陽氣之根。故墮三焦相火之脈。同見於右尺。按命門居兩腎中間。卽人身之太極。乃陰陽之根底。旣爲陽氣之根。亦爲陰

氣之根。景岳真陰論云。命門之火。謂之元氣。命門之水。謂之元精。論理並無偏倚。及至論及脈位。則但將右尺以候陽氣之根。將謂左尺不可以候陰氣之根乎。將謂陰氣之根亦於右尺診之乎。將謂命門但候元氣。不必候其元精乎。此景岳之偏於溫補。其誤卽在於此。所謂差之毫厘者也。按命門元原氣。稟於有生之初。得父母之兩神相合而化。形如露珠之一滴。升於丹鼎之上。以爲生身立命之根。天地陰陽五行之精。亦卽妙合。於是五臟六腑四肢百骸由此而生。不

可以言水火。并不可以言精氣。乃精氣神三家會合而始成此一點。莫可名言。而曰命門。指人身有生之根。天之所命而名之。左氏曰。民受天地之中以生。所謂命也。此之謂歟。命門一點藏於兩腎中間。以運行陰陽之氣。全藉腎中陽氣。陰精以爲之養。在有生以前。則精氣生長於命門。在有生以後。則精氣之生於命門者。命門反須精氣以養焉。精氣不足。猶可峻補以救之。至精氣大傷。而命門生氣之原絕。則非補精氣之所能挽回。故言至水火精氣已屬腎陰。腎陽而

非命門矣。夫命門爲生氣之原。非特右尺不能候。卽兩尺亦不能候。且六部俱不能候。是當以難經爲斷也。八難曰。十二經脈者。皆係於生氣之原。所謂生氣之原者。謂十二經之根本也。謂腎間動氣。此五藏六腑之本。十二經脈之根。呼吸之門。三焦之原。一名守邪之神。故氣者人之根本也。根絕則莖葉枯矣。寸口脈平而死者。生氣絕於內也。獨是一難。獨取寸口以決死生。而八難言寸口脈平亦死。是何其自相悖謬乎。蓋寸口爲脈之大會。可決死生。乃穀氣之變。見後

天有形之可脈也。生氣之原絕。則寸口脈平猶死。乃
元神之聚散。先天無形之不可脈也。然則命門之絕
將不可脈之而已乎。經曰。望而知之。謂之神。在醫者
之以神照神。乃神聖之能事。誠非下士之所能窺測
而以右尺爲診。則固知其非也。

沈悅庭

諱卓士號越亭受益先生次子年五十二歲歿於乾隆壬申餘詳受益公下所遺此稿今令姪箬邦暨姪孫思劬維祥協祥付梓

治肝補脾論

金匱論治肝補脾肝虛則用此法此指肝之陽虛而言非指肝之陰虛火旺而言也肝陽虛而不能上升則胃乏生發之氣脾無健運之力而水無土制腎水之陰寒得以上制心陽周身陰盛陽衰而純乎降令則肺陰之金氣盛行用陽之生氣愈病矣必得補土之陽以制腎水之陰寒則心陽無水以尅而火盛火

盛則肺金陰氣不行。不至陰肅降令。從右行左。以傷
發生之氣。則肝木之陽氣。自必暢茂條達矣。右方用
逍遙散。治木鬱土中。以宣陽氣。是肝木陽虛。而用治
肝補脾之法者也。乃後人用以治陰虛火旺之肝病。
則以升令之太過者。而復升之。宜其有升無降。而至
厥逆矣。蓋一陰一陽。可不明辨哉。其治陰虛火旺之
肝病。如血虛宜滋。水虛則補其母也。火旺則苦泄。實
則瀉其子也。氣升上逆。則降氣以金制水也。其與治
肝補脾之法。正相反。豈可混治耶。

沈寶夫

名果之號橘園受益孫笠舫子悅庭姪國
學生輯醫學希賢錄十卷未梓年四十七
歲歿於乾隆乙巳所遺此稿今令嗣維
祥協祥付梓維維名家能協祥名家罷

四維相代陽氣乃竭解

按王太僕註四維爲血肉筋骨吳鶴皋註四維爲血
脈筋骨以是四者維持一身以註維字之義馬元臺
以血脈筋骨於四字未妥因註四維爲四肢汪訥菴
以王註之血肉筋骨馬註之四肢俱於代字無着因
註四維爲四時諸說紛紜不一顧四肢腫而愈者甚
多未可便云陽氣乃竭至血脈筋骨及四時之說又

腫病中從未論及竊思四維之見素問者屢矣氣交
變大論曰土不及四維有埃雲潤澤之化則春有鳴
條鼓折之政五常政大論曰其雋四維故王註以四
維爲東南西南東北西北之位也及後世馬元臺吳
鶴臯等註此二篇之四維亦俱宗王註四隅方位而
說是四維當作四隅解一定而不移矣四維相代當
作人身之四隅解亦無疑矣蓋言腫之起於前後左
右者自此至彼一身盡腫陽氣乃壞極而無存矣四
隅盡腫者卽臍突背平缺盆平足心平之類是也丹

溪以此二句爲衍文。此求其說而不得。從而爲之辭。亦不知爲不知之義也。但無此二句。則語氣未全。且於義理亦未周足。至汪詒菴以陽氣乃竭之竭字作壞字。未知本於何人。竭之與壞。其義不甚遠。姑置不論。

○勝胱者。州都之官。津液藏焉。氣化則能出矣。解王太僕註曰。得氣海之氣。施化則溲便注泄。氣海之氣不及。則閼隱不通。故曰。氣化則能出矣。王太僕爲註釋之開此。宋元明歷代諸家。各仍其說。莫不以津

液卽爲洩便。殊不思氣化則能出者。言膀胱之津液。得太陽之氣。而後能出於皮毛。非津液下出之謂也。且津自津。液自液。小便自小便。逐字考之。內經各有明文。靈樞決氣篇曰。腠理開泄。汗出溱溱。是謂津穀入氣滿。淖澤注於骨。骨屬屈伸。洩澤補益。腦髓皮膚潤澤。是謂液。又曰。津脫者。腠理開。汗大泄。骨屬屈伸不和。又五癰津液別篇曰。三焦出氣以溫肌肉。充皮膚爲津。其流而不行者爲液。是經文津液二字各有着實註解者。不得以津液小便混而莫辨矣。自古以